



國家清史編纂委員會・文獻叢刊

清代詩文集彙編

國家清史編纂委員會・文獻叢刊

清代詩文集彙編

《清代詩文集彙編》編纂委員會 編

上海古籍出版社

清代詩文集彙編 七一四

劉忠誠公遺集六十六卷（奏疏三十七卷書牘十七卷電奏二卷

公牘二卷電信三卷補過齋文集四卷詩集一卷）附聯語一卷

（奏疏卷一至卷二十二） 劉坤一 撰

劉忠誠公奏疏

宣統元年己酉九月開雕

劉忠誠公奏疏

卷之一目錄 咸豐十一年十一月初至同治四年

謝授廣東按察使 恩摺

報抵粵東任事日期摺

謝授廣西布政使 恩摺

報抵粵西接篆日期摺

具報軍情請催協餉片

謝 賞勇號 恩摺

謝補授江西巡撫 恩摺

軍事緩急情形片

奏疏卷一 目錄

交卸南甯軍務起程赴任摺

恭報到任日期摺

江西防軍赴粵會剿獲勝摺

軍前續獲勝仗暨親赴贛州籌辦防剿摺

英人蠻暉解往九江道按約辦理摺

湘軍追剿大捷並擊退撲城股匪摺

查辦會匪游勇搶劫重案片

籌解協甘軍餉片

請以宋臣楊萬里從祀 文廟摺

行次贛州遣軍赴粵會剿摺

粵賊竄入和平檄令各軍探蹤截擊摺

遵旨籌解霆軍月餉摺

通籌分路防剿摺

席寶田在江得力請暫留軍營片

嘉應州城失守現籌會剿摺

藩司告假養病請委員接署摺

備陳防剿情形摺

江省應造直隸剝船暫請展緩摺

江軍赴粵會剿籌解營餉摺

甄別府州縣劣員摺

奏疏卷一 目錄

二

謝授廣東按察使 恩摺 咸豐十一年十一月初一日

奏爲恭謝

天恩仰祈

聖鑒事竊臣於咸豐十一年十月二十五日接奉廣西巡撫臣

劉長佑行知准吏部咨開咸豐十一年九月十八日內閣奉

上諭廣東按察使著劉坤一補授欽此臣當卽恭設香案望

闕叩頭謝

恩訖竊臣湘楚庸材毫無知識自咸豐五年隨同現任廣西巡

撫臣劉長佑效力軍營辦理湖南江西剿捕事宜疊荷

聖恩優渥俯錄微勞由教職洊升道員並

奏疏卷一

一

賞戴花翎咸豐九年復隨劉長佑帶領援師來粵十年接統楚軍剿辦各屬股匪屢蒙

恩獎

賞加按察使布政使銜本年七月克復潯州奉

旨記名按察使凡此

鴻恩之逾格實非夢想所敢期茲又仰沐

新綸補授廣東按察使有

命自

天悚惶無地伏查粵東僻處海濱地方遼闊臬司爲刑名總匯戡匪安良皆關緊要如臣樸昧懼弗克勝所賴

天威震疊粵西軍務漸紓石逆達開窮竄出境已派補用總兵鄭金華分兵追剿其留粵營勇概交卽選道易元泰接辦臣謹將經手事件逐一清理籲懇

皇上天恩俯准微臣趨叩

闕廷瞻覲

天顏跪聆

聖訓隨事得所秉承則感沐

高厚生成之德益無涯涘所有微臣感悚下忱謹繕摺具

奏伏祈

皇上聖鑒訓示謹

奏疏卷一

二

奏

報抵粵東任事日期摺同治元年四月二十八日

奏爲恭報微臣抵粵任事日期叩謝

天恩仰祈

聖鑒事竊臣於咸豐十一年十月二十五日在廣西軍營接奉

上諭補授廣東按察使當經專差齎摺謝

恩籲懇

陛見嗣因追剿粵匪馳赴湖南未克迎摺北上旋於同治元年

三月初七日齎摺差回奉

旨知道了著毋庸前來欽此遵卽束裝啟行由湖南折回廣西

前赴新任茲於四月二十四日行抵廣東省城准署臬司廣東

奏疏卷一

三

督糧道蔣志章將印信文卷書籍等項委員齎送前來臣當卽

恭設香案望

闕叩頭謝

恩祇領任事伏念臬司爲刑名總匯之區粵東尤案牘紛繁之

地詰奸除暴責任匪輕現值高州匪勢披猖北江搜捕未戢一

切辦理機宜在在均關緊要臣初登仕版自愧軀材惟當隨事

隨時稟商督撫臣殫竭血誠恪勤奉職以期仰答

高厚鴻慈於萬一所有微臣抵粵任事日期謹繕摺具

奏叩謝

天恩伏乞

皇上聖鑒謹

奏

奏疏卷一

謝授廣西布政使 恩摺 同治元年九月二十六日

奏爲恭謝

天恩仰祈

聖鑒事竊臣於九月二十三日奉兩廣督臣勞崇光行知九月二十二日承准議政王軍機大臣字寄同治元年閏八月二十五日內閣奉

上諭廣西布政使著劉坤一補授所遺廣東按察使著吳昌壽署理欽此又是月二十六日奉

上諭劉坤一昨已簡放廣西藩司該員前在廣西帶兵剿賊於地方情形自能諳悉即著催令赴任不准延緩有誤防剿等因

奏疏卷一

五

欽此臣當即恭設香案望

闕叩頭恭謝

天恩伏念臣湘楚庸材素鮮知識先在湖南江西廣西效力軍營疊荷

聖恩優渥俯錄微勞由教職洊升道員

賞戴花翎上年九月蒙

恩補廣東按察使本年四月到任莅事以來兢兢奉職報稱毫無茲復渥荷

溫綸升授廣西布政使叨

鴻慈之疊被非夢想所敢期查廣西係邊徼要區藩司乃旬宣

重奇理財察吏任重事繁矧軍興十餘年來地方凋敝異常措
施整飭尤非易易如臣樛昧深懼弗克勝任本應恭摺籲懇
聖慈准臣來京

陛見俾得瞻覲

天顏叩求

訓誨惟現在廣西軍務喫緊奉督臣勞崇光遵

旨催赴新任隨於九月二十四日將廣東臬司印務移交吳昌
壽署理趕緊束裝起程前赴廣西俟抵任後隨同新任撫臣張
凱嵩殫竭血誠遇事實心經理至一切防剿事宜尤當隨時相
機妥慎籌辦不敢稍疏期仰副

奏疏卷一

木

高厚生成於萬一所有微臣感悚下忱並趕緊交卸起程緣由
繕摺具

奏叩謝

天恩伏乞

皇上聖鑒謹

奏

報抵粵西接篆日期摺 同治元年十一月二十七日

奏為恭報微臣抵任接篆及出省帶兵各日期仰祈

聖鑒事竊臣於同治元年九月二十三日在廣東臬司任內接
奉原任兩廣督臣勞崇光行知欽奉

上諭補授廣西布政使當於二十四日交卸臬司印務專差齎
摺謝

恩嗣於十月初八日由廣東起程前赴新任途次奉新授兩廣
督臣劉長佑檄飭先往潯州隨即由潯晉省於十一月二十五
日行抵桂林謁見新授廣西撫臣張凱嵩稟商一切事宜二十
七日准署藩司蘇鳳文委員齎送

奏疏卷一

七

敕印前來臣當即恭設香案望

闕叩頭謝

恩祇領任事伏念廣西係邊徼要區藩司乃旬宣重奇理財察
吏任重事繁又值潯州賊勢披猖需人接辦臣稟請撫臣張凱
嵩仍委按察使蘇鳳文署理藩司臣得一面料理定於十二月初
八日啟行馳赴潯州督同各營力圖剿辦仰慰

聖廕所有微臣抵任及趕緊赴營各日期謹繕摺叩謝

天恩伏乞

皇上聖鑒謹

奏

具報軍情請催協餉片

再查廣西土匪惟荔浦張高友貴縣黃三兩股爲最大且恃巢穴險固狡悍異常其眾均係百戰之餘是以積年抗拒現在荔浦一股經撫臣張凱嵩督飭各營分途剿辦克復老縣貴嶺一帶張高友當經擊斃逆黨胡元農旋亦招降連塘勢甚孤危指日可以蕆事其貴縣一股亦經新任督臣劉長佑督勇進剿連破武樂蒙洞等處漸逼賊巢惟黃逆尙然負隅屢次乘間出擾且該處與廣東高州各屬毗連將來誠恐彼此交通益形滋蔓臣俟抵營後激勵將弁整頓士伍務將此股迅圖撲滅然後擇要堵截以靖邊陲第以各營積欠口糧太多不無枵腹之慮值

奏疏卷十

茲歲暮尤屬待哺嗷嗷廣西軍興十有餘年地方十分凋敝錢糧正項徵收萬難卽各處釐金亦遠不如往日臣與撫臣張凱嵩及各司道再三籌畫實屬接濟無從惟有仰懇

天恩

飭催湖南廣東兩省速將協餉按月如數撥解前來俾得飽騰

用命庶盜賊易於殄除地方可期肅清矣謹附片具

奏伏乞

聖鑒訓示謹

奏

謝 賞勇號 恩摺 同治三年七月十三日

奏爲恭謝

天恩仰祈

聖鑒事竊臣接奉撫臣張凱嵩行知

奏報巨寇全股撲滅潯州一律肅清將出力各員開單請獎一

摺同治三年五月二十日內閣奉

上諭劉坤一著賞給碩勇巴圖魯名號並交部從優議敘等因欽此伏念臣備員邊徼從事戎行愧輶略之未嫻冀機槍之盡斂星言兩稔深虞師老餉糜月捷三傳幸獲擒渠掃穴是皆稟承有自馳驅偶著微勞乃荷

奏疏卷十

高厚難名

獎賞類叨

異數榮逾華袞

恩施隆一字之褒喜溢簪纓稠疊

錫十行之

詔頭銜並晉翼屬彌殷臣惟有倍矢披丹益思建白隨同撫臣

振興士氣掃蕩邊氛不敢因小效而涉疏虞致勞

九重之

宵旰庶幾竭寸忱而圖報稱勉酬萬一於涓埃所有微臣感激

下忱謹繕摺恭謝

天恩伏乞

皇太后

皇上聖鑒謹

奏

奏疏卷一

十

謝補授江西巡撫

恩捐

同治四年閏五月二十八日

奏爲恭摺叩謝

天恩仰祈

聖鑒事竊臣於同治四年閏五月十七日在廣西軍營准兵部火票遞到內閣奉

上諭劉坤一著補授江西巡撫卽赴新任毋庸來京請訓欽此跪讀之下感悚莫名當卽恭設香案望

闕叩頭訖伏念臣少游黷序壯事戎行屢荷

朝廷特達之知洊膺邊徼監司重任穗垣承乏已無補於菑教明刑桂筦備員更有慚於承流宣化計自元年接篆隨卽出省

奏疏卷一

二

督師雖擣穴殲渠藉以稍紓

宵旰而餘荆贛棘尙未盡絕根株甚愧庸材未收全效乃蒙恩命授任封疆沐不次之

皇仁重如龍戴欲克勤乎臣職深恐鵜鶘查江西居吳楚閩浙之交巡撫總錢穀兵刑之大加以鄰氛未靖邊防正嚴設有疏虞所關匪細以臣樸昧是用冰兢將來到任後惟有恪訪前任撫臣沈葆楨成規折衷至當時與兩江督臣曾國藩熟計俾底於純庶可勉竭駑駘稍酬

高厚從此益捐踵頂矢報涓埃除將廣西軍務交替再行恭報起程日期外所有微臣感激下忱合先恭摺具

奏叩謝

天恩伏乞

皇太后

皇上聖鑒謹

奏

奏疏卷一

主

軍事緩急情形片

再臣在永清軍營先後勦辦情形經撫臣張凱嵩疊次

奏報在案臣於閏五月初三日遵奉撫臣檄飭將逆首梁安邦

就地極刑處死民情由是亦安逆子梁爲阜死守那壇逆首孫

仁廣負固山澤業經臣督飭各營分途圍攻賊勢已成坐困祇

因巢穴險固致未迅告成功而太平鎮安各屬伏莽尙多亦須

次第用兵搜剿是南甯一軍此時實未可鬆勁惟查江西爲東

南腹地現在康侍兩逆大股竄越堪虞一切情形較廣西尤爲

喫重臣欽承

簡命忝膺疆寄斷不敢稍事耽延現一面激勵各營併力進剿

奏疏卷一

主

山澤那壇冀得及時殄滅一面飛請撫臣迅卽委員接統臣軍

俾得遵

旨刻日起程馳赴新任督飭將士嚴密防堵仰慰

宸廑再此摺係鈐用廣西永清縣印合併聲明謹附片具

奏伏乞

聖鑒謹

奏

交卸南甯軍務起程赴任摺 同治四年七月十三日

奏爲 微臣交卸南甯軍務遵

旨起程赴任日期恭摺

奏報仰祈

聖鑒事竊臣於同治四年閏五月十七日在永清軍營欽奉

恩綸簡放江西巡撫同日承准軍機大臣字寄同治四年五月

二十一日奉

上諭現值該省防剿喫緊之際該撫卽著速赴新任毋庸來京

請訓俟抵江西後卽督飭將士嚴密布置以期迅殄賊氛等因

欽此臣謹於是月二十八日恭摺叩謝

奏疏卷一

西

天恩並將永清軍務喫緊受代需人附片陳明在案嗣復疊奉

寄諭飭催未敢稍事延緩一面部署各營一面咨商廣西撫臣

張凱嵩暫將永清軍務交臣胞弟知府銜候選同知劉培一攝

理增調署潯州府知府覃遠璉前來會辦當可勉強支持臣卽

於六月十一日束裝起行沿途水淺灘高至七月初十日行抵

桂林省會當將左江一切事宜與撫臣張凱嵩詳細商酌定於

本月十九日由粵起程取道湖南衡永以達江西袁州大約八

月中旬可抵新任臣前在軍營以及途次先後遞接江西司道

與各將領函報初霆營叛勇竄入信豐繼髮逆分股竄入長甯

均經官軍擊退現在賊股合而爲一於廣東鎮平增柵自固以

奏疏卷一

五

圖久踞並有由嘉應內犯之信等語臣聞此股賊匪自屢次挫敗以來丁逆已降李逆已斃惟汪逆擁眾尙十餘萬加以霆營叛勇其數益多特見閩粵江楚均有重兵是以未敢輕動觀其躊躇審顧計在抵隙蹈瑕官軍各守各疆未免勞師糜餉且恐防入生懈或有意外之虞目下江西各勇以及外省援軍雲集贛南之間壁壘相望自應乘此兵力厚集約同福建湖南各以銳師越境會剿殄此餘孽免致死灰復燃臣已馳商閩浙督臣左宗棠福建撫臣徐宗幹署兩廣督臣瑞齡署廣東撫臣郭嵩燾俟過湖南再與撫臣李瀚章籌商務合數省之力聚殲此賊毋任蜂屯不突滋擾地方以仰慰

皇上綏靖疆圉之至意其應派何起兵勇應由何路前進容臣

抵任後熟審機宜妥爲調度另行具

奏所有 微臣交卸南甯軍務遵

旨起程赴任日期謹恭摺

奏報伏乞

皇太后

皇上聖鑒訓示再此摺係鈐用廣西巡撫關防合併聲明謹

奏

恭報到任日期摺 同治四年八月二十二日

奏爲恭報微臣到任日期叩謝

天恩仰祈

聖鑒事竊臣仰蒙

恩命擢授江西巡撫業經繕摺謝

恩並將交卸廣西南甯軍務遵

旨卽赴新任日期續

奏在案茲於八月十八日行抵江西省城准暫護巡撫事布政

使臣孫長綬將江西巡撫關防同

王命旗牌書籍文卷等項委員齎送前來臣當卽恭設香案望

奏疏卷一

七

闕叩頭祇領任事並准吏部咨以臣應否兼兵部侍郎銜具

奏奉

旨照例兼銜欽此伏念臣楚南下士識淺才疏歷任藩臬馳逐

戎行方慚無補涓埃乃荷

聖慈優渥畀以封圻重寄並躋卿貳崇班自顧何人頻邀

異數撫躬循省悚惕彌深江西襟江帶湖壤接六省幅員遼闊

政務殷繁兵燹之餘地方凋敝異常察吏安民均關緊要且粵

東逆氛未靖賴南防務方殷現奉

諭旨三省會剿籌餉籌兵責成綦重以臣庸陋深懼弗勝惟有

殫竭血誠倍加策勵督同司道及各營將領悉心辦理以期措

置得宜仰答

高厚生成於萬一除將到任日期恭疏

題報外所有微臣感激下忱謹繕摺叩謝

天恩伏乞

皇太后

皇上聖鑒謹

奏

奏疏卷一

七

江西防軍赴粵會剿獲勝摺 同治四年八月二十五日

奏爲 微臣 馳抵江西任事並赴粵會剿各軍疊獲勝仗及現擬籌辦情形恭摺由驛具

奏仰祈

聖鑒事竊臣前在廣西省城

奏報交卸南甯軍務起程赴任於八月十一日途次遞回前摺後開軍機大臣奉

旨知道了該撫所奏各守各疆未免勞師糜餉且恐防久生懈亟須會合閩楚各軍越境圍剿等語極合機宜與歷次寄諭閩浙江西各督撫諭旨均暗相脗合著於到任後約同各該省督

奏疏卷一

太

撫分路進兵合力圍攻以期一鼓作氣克竟全功欽此又准前護江西撫臣孫長紱咨承准軍機大臣字寄同治四年八月初七日奉

上諭據瑞麟等奏官軍擊敗花旗股匪並擬規復鎮平情形一摺前諭孫長紱飭令席寶田等軍越境會剿劉坤一並有會商粵閩督撫派兵合剿之奏計程當抵新任並著迅速催令贛州防軍入粵以厚兵力毋稍遲誤等因欽此臣自廣西省城拜摺後旋於十七日起程途次連接湖南撫臣李瀚章函約面籌防剿事宜遂於八月初七日馳至長沙與李瀚章議以江閩逼近逆氛自應各出銳師會同粵軍三面圍剿可望速竟全功湖南

雖已派兵至粵之樂昌縣然距鎮平尚遠兵力亦單礙難懸軍深入不若扼守楚粵之衝以防敗匪鋌走彼此所見相符臣嗣於十二日行抵江西萍鄉縣即據記名提督婁雲慶記名臬司席寶田咨稟業經定計拔營由長甯入粵會剿復據孫長紱函稱已遵

旨檄飭婁雲慶席寶田各率所部由粵東平遠縣分道進兵而以銓字營移紮篁鄉堡新老湘營移紮鵝公墟祥字營移紮定南廳且請轉商李瀚章調派副後等營填紮南安以固江楚門戶臣一面咨覆婁雲慶等一面咨會李瀚章酌辦隨於十八日馳抵江西省城接印視事因南路防務甚急徑檄統帶副後等

奏疏卷一

九

營記名藩司劉連捷永州鎮總兵朱洪章移營南安並令歸德鎮總兵朱南桂填紮吉安適於二十二十二兩日先後接據婁雲慶席寶田咨稟八月初九日席寶田以兩營留守平遠親督八營進扼東石其餘八營令於次日日繼進是夜即據探報汪逆欲乘我軍立營未定傾巢而出並合叛卒從茅寮坪鐵山障梅子畝數路來攻等語席寶田當即傳諭各營戒嚴以待初十日黎明賊果大至漫山徧野眾約五六萬人其鋒甚銳席寶田覘知僞鳳王洋王及胡瞎子與各叛勇均在中路乃令道員謝蘭階總兵唐本有副將韓孝忠參將劉建業游擊榮維善等六營擊之自率親兵督戰以總兵魏玉彩屈得茂等五營備左路

之賊以已革總兵韓進春總兵龔繼昌陳柏貴周家良等六營拒右路之賊中路各營橫列一字如牆而進賊亦悉眾來迎我勇連環開放槍礮斃賊甚多賊殊死鬪劉建業韓孝忠先率兩營陷陣賊陣稍動謝蘭階唐本有榮維善亟率各營鈔出陣後賊遂不支我勇鼓譟乘之縱橫掩殺血流有聲時右路賊正與我勇相持韓進春龔繼昌周家良等身先士卒十盪十決賊甫亂復整甫卻復前旋見中路潰敗歸路已斷眾遂大潰其田壘之賊數千人爲我勇所圍擒斬殆盡間有逃出者阻於危崖亦皆棄械來降由是我勇萃於左路賊知不敵堅踞嶺上席寶田令謝蘭階督同魏玉彩屈得茂等各營迎擊之賊且戰且敗我

奏疏卷一

平

勇追斬百餘名並收降百餘名是日力戰四時之久約殺賊六七千人生擒二三千人奪獲驛馬三百餘匹器械旗幟無算其左路高嶺之賊被我軍擊敗後潛伏山谷是夜二更翻山欲竄茅寮坪與洋逆合股席寶田即派黃元果劉建業率勇馳往襲擊斃賊甚多餘黨數千人皆棄械就撫十一日黎明僞東平王擁眾繼至汪逆亦從茅寮坪率黨七八萬復來奪路席寶田令魏玉彩屈得茂等截擊僞東平王一股自督各營迎勦汪逆大股賊分路猛撲我軍亦分路應之槍礮雷轟子驟如雨斃匪約二千餘人賊猶拚死衝突劉建業躍馬入陣斬黃衣賊目一名榮維善率隊繼進中路賊勢稍卻時韓孝忠蔣懷清等迎勦一

路賊黨廣集我軍回合十餘次賊死戰不退謝蘭階王明亮率隊馳至橫貫其陣賊乃披靡唐本有席啟星韓進春龔繼昌周家良夏禹連分投奮擊殺賊無算汪逆憤甚手刃退後者數人欲督羣醜轉鬪我軍乘勝馳逐莫不以一當十賊大敗奔潰翻山而走是日約斃三四千人內有僞小王宗汪林僞天將胡春福郭安和僞朝將范琇魁及天安天燕等賊目十餘名我勇陣亡十餘名受傷四十餘名魏玉彩等擊僞東平王一股將該逆全數擊散招降七八千人並有赴粵軍就撫者統計兩日招降共一萬三四千人雲慶聞賊竄至東石即率所部於十一日出平遠之八尺墟以資救應日晡聞賊已爲席軍所挫折竄大

奏疏卷一

主

柘當飭總兵劉順隆率副五營馳往邀擊自以大隊繼之十二日黎明劉順隆行至良畬即與賊遇是處山徑逼狹賊守險拒戰劉順隆令洋礮隊直前擊之塵戰數時斃賊千餘人逆眾敗遁我勇乘勝追至二十餘里之伯公坳共計斃賊三千餘人生擒八十三名奪獲驛馬器械多件日暮收隊雲慶恐賊由太柘出中坑以犯長甯之篁鄉堡即於十三日五鼓飭劉順隆徑趨大柘包剿自率各營由間道馳赴中坑行至要馬岌適風佑兩酋胡瞎子李遠繼領羣賊擁至瞥見官軍旗幟登時驚亂雲慶令熊鐵生張玉田率隊以槍礮與賊對擊該逆且拒且卻退至亂石徑地方路更敝仄我勇薄之賊眾擁擠落礮死者屍

相枕藉雲慶別遣輕銳由新田小路繞出邀賊劉順隆亦由大柘會合閩粵之師追至石正賊腹背受敵乃分三股衝出向西南竄去我勇追至南極二更始收隊而還其斃賊二千餘人生擒一百四十餘名奪獲洋槍刀矛不計其數訊據生擒賊供汪迎因在鎮平乏食欲乘江西防軍移動之時志圖伺隙回竄等語今雖在東石大柘疊次大挫然其人數尙多難免橫流旁溢現在席寶田婁雲慶飛商駐篁鄉堡之銓字營駐鵝公墟之老湘營嚴爲之備合力聚殲各等情前來臣尙恐賊繞出定南以及南安於接報後覆令席寶田婁雲慶確探賊蹤所向派隊力追並取捷徑攔頭截擊如得劉連捷朱洪章等速抵南安祥

奏疏卷一

記

字營速抵定南可固江西即可兼顧湖南該逆前既無聞可入後又爲閩浙之師所蹙當易殄除臣復嚴檄南贛吉臨袁瑞各郡縣實力防範使賊無隙可乘仍隨時察看情形倘賊勢尙張逼近江境臣卽親任督剿以期迅掃餘氛仰副

皇上綏靖南服之至意參將許貴元藍翎都司楊興元花翎守備劉得芳藍翎把總張萬明力戰陣亡相應請

旨敕部從優議卹以慰忠魂除將到任日期月行

奏報外所有入粵各軍疊獲勝仗現在籌辦緣由理合恭摺由驛五百里具

奏伏乞

皇太后
皇上聖鑒謹
奏

奏疏卷一

書

軍前續獲勝仗暨親赴贛州籌辦防剿摺同治四年九月初七日
奏爲各軍迎擊竄賊續獲勝仗並臣親赴贛郡籌辦防剿日期恭摺由驛覆

奏仰祈

聖鑒事竊臣先後承准軍機大臣字寄同治四年八月二十一日奉

上諭孫長紱奏雲慶席寶田兩軍現擬取道赴粵會剿並籌防後路情形一摺前已諭令左宗棠督率高連升等軍馳赴粵境督剿江廣援軍均歸節制著劉坤一孫長紱飛檄該兩軍迅即取道入粵歸左宗棠調度相機合剿孫長紱現咨行周寬世

奏疏卷一

五

統銓字營進扼篁鄉堡王開琳統新老湘營移守鵝公墟以固長甯安遠藩籬並將南安之祥字營移防定南至南安爲江粵咽喉咨明楚省月撥一軍填紮並著照所擬會籌妥辦劉坤一計程應已抵任著即將到任日期並邊境防守情形隨時確查具奏等因欽此又於八月二十三日奉

上諭左宗棠等奏官軍剿賊獲勝現飭各軍分道進剿一摺席寶田婁雲慶等軍前已有旨令其馳赴鎮平會剿即著劉坤一孫長紱遵照前旨迅速調派毋得稍分畛域等因欽此伏查臣馳抵省城任事日期並記名臬司席寶田記名提督婁雲慶兩軍在廣東平遠之東石大柘一帶疊獲勝仗及檄調駐紮吉安

之記名藩司劉連捷所帶副後營永州鎮總兵朱洪章所帶長勝營移守南安各情業經馳陳在案茲據各營報稱康逆汪海洋因粵東腹地駐有重兵堵截圍師復逼其後是以仍圖竄越江西冀犯湖南湖北爲苟延殘喘之計自平遠境內疊被我軍大挫之後足不停趾晝夜西竄旋入興甯之龍虎墟直趨羅浮司圖犯長甯篁鄉堡席寶田婁雲慶恐賊闖入江境餘燼復燃又成燎原之勢必須分投攔剿期與閩粵各軍前後夾擊滅賊於江廣之交當即知會湖南提督周寬世已革總兵王開琳嚴防篁鄉鵝公兩口一面各取捷徑疾馳兜剿八月十四日周寬世督率銓字營進紮篁鄉堡前五里之菖蒲塘以扼長甯門戶

奏疏卷一

五

探知汪逆大股盤踞羅浮司羅江墟白水寨江背等處分股千餘人至蕉阮擄掠十五日周寬世出隊往擊賊見官軍登時驚逸是日婁雲慶派吳雲集率霆春五營胡良作率霆副三營馳抵篁鄉助剿十六日逆眾由羅浮司竄龍川之赤石渡樟樹屏麻布岡大塘墟湖背等處逼近江境十七日周寬世率銓字營出龍川之上坪迎擊大塘墟之賊吳雲集等出龍川之牛形岡兜剿湖背之賊周寬世行至下村地方僞佑王李逆率黨四五萬人蠡擁來撲周寬世列陣迎戰槍礮連施刀矛並進賊勢甚猛不稍退卻蕭勝發劉萬春衝入賊陣砍斃執旗悍賊三人謝清洲周寬惠龍玉堂周東益率隊繼進斬黃衣騎馬賊六人擊